

### 3. MAWHNA I CIH BANG HIAM?

a) Laisiangtho bulphuhte: Rom. 3:23; Rom. 6:23; Isa. 59:2.

#### b) Thupatna

Mawhna pen Pasion a lungdamsak lo na khatpeuhpeuh sepna hi. Leitung a a suak mimal khatciat pen mawhnei hi. A melhoih pen-mawhnei lo ding a kilawm pen naungek nangawn in mawhna pelh theilo ding hi. Banghang hiam cihleh, tua naupang mawhnei a suaksak ding nasep pen tua naungek bawl hilo a, mawhnei pianken ngeina tawh suak ahihman in tua naungek in mawhna a bawl loh hang mawhnei a suak hizaw hi (Psa. 51:5). Pianken nuntakna pen Pasion tungah kinga lo in aituam tungah kinga ahihman in mawhna tawh kidim hi.

Angsung theihna pen naupang khat ii lunggulhna leh tupna hi. Ama lungkimna ding leh a lunggulhnate tangtun' nading bek ah kinga hi. A buaihuai lungtang pen ei le ei kilungkimsak nading pianken ngeina hi. I suah pih angsung theihna ngeina deih bangin ahi bang bang a i gamtat teh mawhna kipelh theilo in Pasion kilungdamsak lo hi (Rom. 3:23). Mawhna in Pasion lungkimsak lo bek hilo in amaute adinga Pasion deisak minthanna pan a a piansakna pan mite kikhensak hi. Hih in mawh na ngeina ii a siatsak theihna hong lak hi. Mawhna in mite Pasion kiangpan hong khenkhia hi. Mawhneite pen Pasion kiang pan paikhia in amah theilo uh a, Pasion tawh kithuah khopna zong nuam sa lo uh hi. Mi khempeuh a suah tung a kipan Pasion thawhkikhen uh hi. Hi bang hilo hi leh mikhempeuh numeite leh naupangte in a ngeina bangin Pasion thei dinguh hi. Kiteltak in hi bang hilo mawk hi.

#### c). Mawhna Nungzui Pawlkhat

- Hih in Pasion dahsak hi (Gen. 6:5-7).
- Hih in kisuanna hong tun hi (Psa. 51:3-4).
- Hih in Pasion thawhkikhenna piangsak hi (Isa. 59:1-2).
- Hih in thukhenna leh tawntung dantatna piangsak hi (Matt. 25:46).
- Hih in Sila hong suak sak hi (Rom. 6:17).
- Hih in kha mit tawtna hong tun hi (2Cor. 4:4).
- Hih in kha sih na piangsak hi (Eph. 2:1).
- Hih in Lam-et na hong nei lo sak hi (Eph. 2:12).
- Hih in hong susia hi (Titus 1:15).
- Hih in hong mawhpaih hi (James 5:12).

#### d) Mawhna ading Laisiangtho Kammalte

Laisiangtho in hih mi khempeuhte Pasion tawh kikhen a Pasion kiang pan khaulmi a suahsak na pulak nading in Kammal khat valzangh hi. A kizang kammalte pen khenpi li in kikhen thei hi.

##### (i) Dinmun Ngeina pan pialkhiatna

Chattah:- Ciaptehna sukha lo aih keh pai khial (Judges 20:16; Psa. 51:4).

Avon:- Pialkhia aih keh paisual, i.e., a maan thei pipi a, a khial a sepna (Job 33:27).

Shagah:- Piasan aih keh khial (Job 19:4; Lev. 4:13).

Parabasis:- (N.T). Lampi tangpan pialkhia, i.e., ciaptehna gamgi kantan a paina (Rom. 4:15; Gal. 3:19).

Hamartia:- (N.T). Ciaptehna sukha lo (Matt. 1:21; Rom. 6:23).

Paraptoma:- (N.T). Palsat, a man a dik tawh kilehbulh a kalsuan khial, aih keh lampi pan pialkhia (Col. 2:13; Eph. 2:5).

(ii). **A ommun telgenna**

Hih pen mihingte thangsiah a tuahna mun vuah a omna hi.

Rosha :- "gilo" ahi keileh "Pasian milo" ci in a khatna kilet zel hi (Psa. 1:6; 37:28).

Asham:- Lehdo aih keh khial (Gen. 26:10; Lev. 5:15-16), a khial a lehpan na in kizangh hi.

(iii). **Geelkholna leh dona**

Hih pen mite in Pasian tawh lo in hithei lel ding cih ngaihsutna hi. i.e., kiphatsakna tawh mihingte in Pasian tawh kisai lo/Pasian kianganpan suah takna pulakna hi.

Persha:- Pasian khuthum va letna hi (Isa. 1:2; 1Kings 12:19).

Anomia:- (N.T). Thukhamzuih loh na aih keh lehdona hi (2Cor. 6:14; 1Jn. 3:4).

(iv). **A pialkhia gamtatnate leh lungsim puakte**

Marah:-Kilem nuamlo, langpannuam aih keh lungtang khauh (Psa. 78:8).

Marad:-Langpanna (Numbers 14:9).

Ra'ah:- Gitlohna leh siattatna. i.e., Gamtat siatna (Gen. 19:7).

(Ciapteh ding: Mawhna i cih ngaihsutna himhim pen a mangthang sa, a paikhial leh, a kisia sa na khat ii hihna man hi. Hih in Pasian kianganpan khualmi hong suaksak in hong khenkhia hi. Hih in mite kikal ah buaina hong piangsak a a tawpna ah amah leh amah ngiat kituah lohna tun' hi.)

e) **Eite thukkikna, Dawnkikna**

Mimal khat ciat pen ama mawhna ah mawhpauakna nei hi (Rom. 14:12). I vekpi in mawh khin i hihman in itna Pasian tungah angung theihna ama sapen in deihzaw hihang. Pasian in mawhna pan in kihei kik in i nuntak ding hong deih hi (Ezk. 18:20-23). Mite in Pasian lunggullhna langkhat ah mawh ding mah teel zaw hi. Tua teelna nungzui thute Pasian in thei a, ahizong in mihing in a teel theih nading thuneihna Pasian in pia hi. Tu ni in eite in i mawh na sungah om suak in Pasian thawhkikhen suak ding maw, Zeisu pen i Honpa leh Topa in sang ding cih teel theihna nei lai hihang. I khialhnate leh mawhna vangliatna nung thute pan i suahtak theih nading in Zeisu in ama nuntakna hong piakhia hi. Pasian pen siangtho ahihman in khatvei a mawh pa na ngawn tawh kizopna nei thei lo hi. I mawhnate botkhia in a kilak ikhiat theih nading lampi amah in hong pia hi. Hih lampi i teel leh Pasian hong pai in eite tawh kizopna khatvei hong nei kik ding hi. Hih pen eite mihing bang a hong kipiangsakna hang ahi hi. A man Pasian tawh kizopna i nei loh ciangin i lungtang sungah a hawm keei tawh kibatna ahi hi. Pasian in amah i theih ding, ama deihna i theih ding leh ama tawh eite ading a hong bawl kholhsak ngimnate i tangtunsak ding ongdeih hi. Ama Gam mi hih ding leh ama tate i hih ding hong deih hi. Ama sa pen in, i mawh nate maisak kul ding a, nihna ah i suahepih pianken mawhna

ngeina pen that in i pian thak pelmawh ding ahi hi (Jn. 3:5-7). Tua khit teh pianzia ngeina thak nei in Pasion thei thei leh, amah thawhkikhoh khopna ah nuamsa ding hihang.

**f) Dotna leh kikup ding thute.**

1. 'Ciaptehna sukha lo' cihpen 'mawhna' cih kammal gentel nading in a hoih hiam? Kam kum in.
2. Mawhna nungthu cih banghiam? (Isa. 59:1-2).
3. Mihingte khial in ama kiangpan kikhenkhia ding cih a theih leh banghang in Pasion in mihing tungah deihteel theihna pia hiam?
4. Adam a mawh teh ama tungah bang thu piang hiam?
5. Adam tate ahi mihingte tungah Adam mawhna hang in bang thu piang hiam?
6. Mi a tamzawte ading khialhna cihpen banghang in buaina lianpi suak hiam?
7. Banghang in mi tampite in Pasion a lungdamsak lohna uh phawkkha lo uh hiam?

**g) Tomlakna leh Zatpahna**

1. Mi khempeuh mawhna pianken tawh suak hi.
2. Mihingte pianken ngeina lunggulh pen Pasion a lungkim lo sak nate ahi hi.
3. Mi khempeuh amau mawhna ah mawhpuk nei-in tua hangin santheih dingin a om kul hi.
4. Pa Pasion in ama tungah i mawhnate a suat theihna dingin Zeisu hong sawl hi.
5. Zeisu nasepna ah i kihel theih nading in Pasion a lungkim losak i sepsa na khempeuh hangin mawhmaisakna i nget ding leh Zeisu pen i Honpa leh Topa a i san ding kisam hi.